



## ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

### ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ 000127

**Ձեռնարկողը՝**

**«Էյ Թի Էմ Էս Սոլյուշնս» ՍՊԸ**  
ք. Երևան, Վ. Սարգսյան 26/3

**Գործունեությունը՝**

**Ջրվեժ համայնքի Ջրվեժ գյուղի վարչական տարածքում՝  
Երևան-Գառնի մայրուղու թիվ 6/12 և 6/14 հողամասերում  
ուղղաթիռային կայանի կառուցման շրջակա միջավայրի վրա  
ազդեցության նախնական գնահատման հայտ  
Կոտայքի մարզ**

**«Շրջակա միջավայրի վրա ազդեցության  
փորձաքննական կենտրոն» ՊՈԱԿ-ի  
տնօրենի պաշտոնակատար՝**



**Ա. Թարգյան**

Առդիր եզրակացությունը՝ 6 թերթ







Նախատեսվող գործունեության իրականացման ընթացքում ծառահատում չի իրականացվելու: Մինչ շինարարական աշխատանքների իրականացումը, անտառապարկի մասնագետները կնույնականացնեն Բույսերի Կարմիր Գրքում ընդգրկված բուսատեսակները և կտեղափոխեն նախատեսվող գործունեության վայրի անտառապարկի այլ տարածք:

Գրասենյակային մասնաշենքը երկհարկանի, 288մ<sup>2</sup> կառուցապատման մակերես ունեցող երկաթբետոնե շինություն է՝ օգտագործվող տանիքով: Շինությունը երեսպատվելու է տրավերտինե սալերով և ունենալու է ֆասադային ապակեպատում: Գրասենյակային շենքը ունենալու է գրասենյակային սենյակներ, հյուրասենյակներ և հանդիպման սենյակ:

Կառասրահը 1728մ<sup>2</sup> կառուցապատման մակերես ունեցող կառույց է, որը բաղկացած է լինելու

մետաղական սյուներից և ֆերմաներով կոնստրուկցիայից: Կառասրահի մի հատվածը բաղկացած է լինելու երկու հարկից, որտեղ տեղակայված են լինելու օժանդակ սենյակները՝ արհեստանոցներ, սանհանգույցներ, հանդերձարահներ և այլն: Հիմնական տարածքը նախատեսված է ուղղաթիռների կայանման և սպասարկման համար:

Գրասենյակային շենքի և կառասրահի միջև ընկած տարածքը նախատեսված է ուղղաթիռների բացօթյա կայանման համար:

Ջրցանը իրականացվելու է հողային աշխատանքների ընթացքում, որոնց տևողությունը 5 ամիս է:

Հաշվի առնելով, որ օրական ջրցանի ենթարկվող մակերեսը կկազմի մոտ 100մ<sup>2</sup>, իսկ 1մ<sup>2</sup> ջրցանի նորման 0.003մ<sup>3</sup> է: Ջրցանի համար անհրաժեշտ ջրի քանակը կկազմի 45մ<sup>3</sup>: Կենցաղային կոյուղու ջրերն ինքնահոս հեռացվելու են դեպի բակային ցանց, որը միացված է տարածքում նախատեսված արտաքնոցի սեպտիկ հորերին: Արտաքնոցի սեպտիկ հորերի սպասարկումը՝ կեղտաջրերի պարբերաբար հեռացումը, իրականացվելու է ջրմուղ կոյուղու համապատասխան ծառայության կողմից:

Ավտոկայանատեղին նախատեսված է 20 ավտոմեքենայի համար՝ 300մ<sup>2</sup>:

Հանվող բուսահողի ծավալը գնահատվել է մոտ 30մ<sup>3</sup>, ինչը կօգտագործվի տարածքի բարեկարգման համար: Հողային հանույթը գնահատվում է 200մ<sup>3</sup>, որից 60մ<sup>3</sup>-ը նախատեսվում է հետլիցքի համար: Ավելացած հողային զանգվածը կօգտագործվի տարածքի բարեկարգման համար:

Շինարարական աշխատանքները նախատեսվում է իրականացնել 22 ամսում: Ըկերությունն ընդհանուր առմամբ ունենալու է 25 աշխատող, որոնց սանիտարակենցաղային և այլ կարիքների համար ջրապահանջը կազմում է՝

- տեխնիկական սպասարկման անձնակազմի (կառասրահ) 10 հոգու համար սանիտարակենցաղային և այլ կարիքների համար ջրապահանջը կազմում է 0.32մ<sup>3</sup>/օր,
- գրասենյակային աշխատողների (գրասենյակային շենք) 15 հոգու համար սանիտարակենցաղային և այլ կարիքների համար ջրապահանջն ընդհանուր առմամբ կազմում է 0.84մ<sup>3</sup>/օր, որից 0.24մ<sup>3</sup>/օր գրասենյակային աշխատողների





օրական ջրածախսն է, իսկ  $0.6\text{մ}^3/\text{օր}$  ջրածախսը հյուրատան համար օգտագործվող ջրի միջին ծախսն է:

Շինարարության ժամանակ օգտագործվող հիմնական շինարարական տեխնիկայի ու փոխադրամիջոցների ցանկը ներառում է՝

- աշտարակային կոունկ՝ КБ - 403՝ 1 հատ,
- ինքնաթափ 20տ՝ 1 հատ,
- թոթուռավոր էքսկավատոր՝ 1 հատ,
- տրակտոր՝ 1 հատ:

Շինարարական աշխատանքների իրականացման ընթացքում ջրամատակարարումը կիրականացվի ցիստեռններով:

Շինհրապարակում բետոնի շաղախի պատրաստման հանգույց չի նախատեսվում:

Բետոնի շաղախը մատակարարվելու է մասնագիտացված ընկերության կողմից:

Հանգստի գոտու էլեկտրամատակարարումն իրականացվելու է համաձայն «ՀԵՑ» ՓԲԸ-ի կողմից տրամադրված տեխնիկական պայմանի: Գործունեության շահագործման փուլում ջրամատակարարումը կիրականացվի գոյություն ունեցող ջրատարից, որը միացված կլինի համայնքային ջրամատակարարման ցանցին: Հանգստի գոտու ջրամատակարարումը և ջրահեռացումը իրականացվելու է համաձայն Վեոլիա Ջուր ՓԲԸ-ի կողմից տրամադրված տեխնիկական պայմանի: Հանգստի գոտու գազամատակարարումը իրականացնելու համար կառուցապատողը կդիմի «Գազպրոմ Արմենիա» ՓԲ ընկերությանը՝ համապատասխան տեխնիկական պայման ստանալու համար:

Շինարարական աշխատանքների ընթացքում առաջացող թափոնատեսակներն են՝

- շենքերի քանդումից առաջացած շինարարական աղբը (ծածկագիր 91200601 01 00 4) - մինչև 1 տոննա,
- չտեսակավորված սև մետաղներ պարունակող թափոններ (այդ թվում թուջի և/կամ պողպատի փոշի), (ծածկագիր 35131100 01 00 4) - մինչև 0.1 տ,
- օգտագործման համար ոչ պիտանի չաղտոտված պղնձե հաղորդալար (ծածկագիր 3531030501 01 3) - մինչև 0.03 տ,
- չտեսակավորված ալյումին պարունակող թափոններ (այդ թվում՝ ալյումինի փոշի), (ծածկագիր 35310111 01 00 4) - մինչև 0.02 տ,
- կազմակերպությունների կենցաղային տարածքներից առաջացած չտեսակավորված աղբ

(բացառությամբ խոշոր եզրաչափերի), (ծածկագիր 91200400 01 00 4) - 0.2 տ:

Հանգստյան գոտու շահագործման փուլում առաջացող կենցաղային աղբը պարբերաբար հեռացվելու է տարածքից՝ Ջրվեժ համայնքի աղբահանող կազմակերպության կողմից՝ պայմանագրային հիմունքներով:

Աշխատողների կոմունալ-կենցաղային կարիքների նպատակով՝ շինհրապարակում կնախատեսվեն 2 բիոզուգարաններ կամ սեպտիկ հոր:

Շինարարության ընթացքում բուսահողը հանվելու և կույտավորվելու է պաշտպանված վայրերում՝ շինարարական հրապարակից դուրս տեղակայված





վայրում: Շինարարության ավարտից հետո հանված բուսահողը օգտագործվելու է տարածքի բարեկարգման նպատակով:

Կենդանական աշխարհի վրա հնարավոր ազդեցությունը նվազագույնի հասցնելու նպատակով ինտենսիվ շինարարական աշխատանքները կիրականացվեն ձվադրման և բնադրման ժամանակաշրջանից դուրս (ապրիլ-մայիս): Ընդհանուր առմամբ, շինարարական աշխատանքները կկրեն լոկալ և ժամանակավոր բնույթ, ինչի շնորհիվ կենդանիներին հասցվող վնասը կլինի նվազագույն:

Շինարարական աշխատանքների ավարտից հետո ամբողջ տարածքը կանաչապատվելու է սիզամարգերով: Բարեկարգման/կանաչապատման աշխատանքների իրականացման նպատակով այլ վայրից բուսահող չի բերվելու՝ օգտագործվելու է տարածքից հանված բուսահողը: Կանաչապատման համար օգտագործվելու են գլորված սիզամարգեր, որոնք բերվելու են գլանափաթեթներով՝ պատրաստի հողային շերտով:

Նախատեսվող գործունեության աշխատանքների ընթացքում լինելու են շրջակա միջավայրի վրա ազդեցություններ, որոնք հիմնականում կապված են լինելու փորման, բեռնման, հողային, բետոնային աշխատանքների, հողային զանգվածների և թափոնների տեղափոխման, նյութերի օգտագործման, շինարարական տեխնիկայի, մեխանիզմների շահագործման և արտակարգ իրավիճակների առաջացման հետ:

Համաձայն նախնական գնահատման հայտի նախատեսվում են օդային ավազանի, հողային և ջրային ռեսուրսների աղտոտումից պահպանման, դրանց արդյունավետ օգտագործման, թափոնների կառավարման, աղմուկի մակարդակի ու արտակարգ իրավիճակների ռիսկերի նվազեցմանն ուղղված բնապահպանական միջոցառումներ, որոնք ներառված են միջոցառումների ծրագրում և մոնիթորինգի պլանում:

Նախատեսվում է՝

- փոշի առաջացման աշխատանքների ընթացքում պարտադիր իրականացնել շին. հրապարակի և մոտեցնող ճանապարհների ջրցան,
- համապատասխան բարձրության պաշտպանիչ ցանցի անցկացում,
- պարբերաբար իրականացնել շինարարական տեխնիկայի և փոխադրամիջոցների տեխնիկական վիճակի ստուգում և կարգավորում,
- շինարարական նյութերի (հատկապես սորուն շինարարական նյութերի դեպքում, ինչպիսիք են ավազը, խիճը, հողը և այլն) տեղափոխումն իրականացնել փակ ծածկով մեքենաներով,
- սորուն նյութերի պահեստները ծածկել համապատասխան բարձրությամբ թաղանթով, ինչը կանխարգելում է փոշու տարածումը,
- շինարարական նյութերի տեղադրումն իրականացել բետոնապատ մակերեսի վրա,
- շինարարական սարքավորումներից նավթանյութերի արտահոսքի հավանականությունը նվազեցնելու նպատակով անհրաժեշտ է այլ տարածքներում ապահովել սարքավորումների և մեքենաների պատշաճ տեխնիկական վիճակը,





- այն հատվածներում, որոնք նախատեսված են շինարարական տեխնիկայի տեխնիկական սպասարկման և կայանման համար անհրաժեշտ է տեղադրել ավագ կամ մանրախիճ: Մեքենաներից և սարքավորումներից վառելիքի և/կամ քսայուղերի արտահոսքի դեպքում աղտոտված ավագը կամ մանրախիճը տեղափոխել համապատասխան աղբավայր և այն փոխարինել նորով,

- աշխատանքների ավարտից հետո անհրաժեշտ է մաքրել բոլոր տարածքները և առաջացած թափոնները և տեղափոխել ինքնակառավարման մարմնի կողմից հատկացված աղբավայր,

- տարածքը մաքրել շինադրից և բարեկարգել:

Բնապահպանական միջոցառումների համար նախատեսվում է տարեկան մասնահանել 350 հազ. դրամ, ամբողջ շինարարության ընթացքում 1050 հազ. դրամ:

### **Պատճառաբանական մաս**

Համաձայն նախնական գնահատման հայտի, հանգստի գոտու համալիրը կառուցվելու և շահագործվելու է ՀՀ-ում գործող օրենսդրության և նորմատիվատեխնիկական փաստաթղթերի պահանջներին համապատասխան:

Շրջակա միջավայրի վրա ազդեցությունները կրելու են ժամանակավոր բնույթ, ինչը պայմանավորված է շինարարական աշխատանքներով:

Օրենսդրությամբ սահմանված սահմանված կարգով առցանց իրականացվել են հանրային քննարկումներ, որի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական գործընթացին ներգրավվել են շրջակա միջավայրի նախարարության ստորաբաժանումները, առողջապահության նախարարությունը, արտակարգ իրավիճակների նախարարությունը, պաշտպանության նախարարությունը, քաղաքաշինության կոմիտեն ու Կոտայքի մարզպետարանը: Հայտի լրամշակման ընթացքում հաշվի են առնվել նաև ստացված դիտողություններն ու առաջարկությունները:

### **Փորձաքննական պահանջներ**

-Կառուցապատման աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական պահանջների և միջոցառումների իրականացմանը՝ ըստ հայտով ներկայացված պլանի, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:

-Նախատեսվող շինարարական աշխատանքներն անհրաժեշտ է կատարել օրվա սահմանված ժամերին, հնարավորինս նվազագույնի հասցնելով աղմուկի մակարդակը և ճանապարհների բեռնվածությունը:





-Նախատեսվող գործունեության իրականացման ընթացքում և շահագործումից հետո պահպանել արտակարգ իրավիճակների և աշխատանքի անվտանգության նորմերը, նախատեսել հակահրդեհային վահանակ և կրակմարիչներ:

-Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

-Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ տեղական ինքնակառավարման մարմինների հետ համաձայնեցված:

-Նախատեսվող գործունեության իրականացման ընթացքում պահպանել քաղաքաշինական նորմերը և պահանջները:

-Անհրաժեշտ է ապահովել հայտով ամրագրված կանաչապատման աշխատանքների իրականացումը և պահպանումը:

-Պահպանել բնապահպանական օրենսդրությամբ նորմերի կատարումը և անտառի սանիտարա-պաշտպանիչ գոտին:

- Թռիչքները պետք է իրականացնել դեպի ծորը ընկած հատվածով, այլ՝ ոչ անտառային տարածքով:

#### ԵԶՐԱՓԱԿԻՉ ՄԱՍ

Ջրվեժ համայնքի Ջրվեժ գյուղի վարչական տարածքում» Երևան-Գառնի մայրուղու թիվ 6/12 և 6/14 հողամասերում ուղղաթիռային կայանի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Տնօրենի տեղակալ՝

Փորձագետ՝



Գ.Գևորգյան

Հ. Մեսրոպյան